

ما منهم اللي ما فعل نية الخير ولا فيهم اللي للطراقي يغيري  
وفي أحد السنين غزو الجعافرة وأخذوا قطعان من نود العمور وكان  
عليها الرويكب وسم الجعافرة وهذا الوسم هو وسم آل أبو حربتين العمور  
واصلهم كما يشاع من المريحم ولحقوا الفرعة ثم تعارفوا الطرفين قبل أن  
يحدث بينهم صراع ثم أن الجعافرة تركوا الأبل وقال احد شعراء المريحم  
بعد هذه الحادثة أبيات من شعر الدحة يقول :

غزينا يم الرعيه \*\* والغلطة صارت محيه \*\* وغلطنا بجمع القرايب  
عزوتنا ما عرفناهم

عدنا اثنين وعشرين \*\* وربعي ما هم رديين \*\* والفرعه خمس وستين  
شفنا الموت من املاقهم

ورد عليه شاعر العمور بأبيات منها قوله :

غزونا ولد سليمان \*\* وخذوا ثلاث القطعان \*\* شجعان وحننا شجعان  
من شان البل لحقناهم

\* وهذه الأبيات تنسب لنويهي بن تمام الجعفري يحث كبار الجماعه على  
التكاتف ونبذ الخلافات وهي من قصيدة لم نعر عليها كاملة يقول :

وش علمكم صرتوا على الكبد قداد صرتوا على من دور الفود بونه  
البيت ما يشمخ بلا اطناب وأوتاد والشيخ بيده ما يشلع اسنونه  
اشوف شيخان العرب شوفها ابعاد والشق دايم بينهم يرقعونه  
والناس كل الناس تشبع من الزاد والمسملة يا شيوخنا تعلنونه  
الشيخ أبن هذال ولا أبن مجلاد ولا أنت شيخ من ضنا عبيد دونه  
\* هذه الأبيات من الهجيني من نظم ملحم الخميش وهي لغز يقول :

أنشدني لا تنشد الهایت وأنشد الفهيم تلقاها  
عن وحدة عشقها فايت هنييت من نام بغطاها  
غلاها وسط الحشى بايت وسط الضماير كتمناها

\* ومن شعر الهجيني قال الشيخ جهبل أبو زهرة يثني على الشيخ حاكم  
بن مهيد بعد أن تضمن طابونة الرقة في دهر جلغيف عام 1910م :

يا راكب فوق مامونه سلم على شيخ الأطراف  
ضمن حلاله بطابونه يوم الحطب دمه السافي